

白軒文稿


卷二



特別
14
3152
35



14
3152
35



95-100

虛白軒文集 第二卷

活刷校刻日本外史序
 題鮮齋水滸元寇書本後
 詩命樓集序
 草堂世田書題報告卷書詳
 新探運勳場碑
 川上音次郎碑
 逸堂碑
 厚志亭紀念碑
 書以陽集後
 諸州府志序
 書數名卷後
 長江村徑軍紀功碑
 清國西原軍功序

復田先生碑
 柳所先生頌德碑
 赤山翁墓碣銘
 丹羽君墓碣銘
 山手楠三墓志
 與平子楷年
 長春會記
 野澤歲齋碑
 明信天皇駐蹕遺址碑誌
 關西遊草序
 清和寺塔銘
 台外村君行狀
 訖南山房記

春濤詩鈔引
 平松先生頌德碑
 信州表不修提記志碑
 左田君墓碣銘
 林碧少齋詩鈔自敘
 三去齋仙畫卷記
 大屋祠神德碑
 南山文庫記
 德平九狗難水負碑
 田口君道德碑
 河野親音碑銘
 權成山草序



活刷校刻日本外史序

賴氏外史流傳既久近時漢學復興其覆刻之者注
 釋之者翻為俚文者頻頻相踵而出蓋外史之為書
 雖事實缺考據者不止二三而自源平氏至德川氏
 八九百年間王家^定隆替英雄廢興歷歷如觀諸掌
 其文簡切明暢而用筆之妙縱橫變化震盪大地光
 彩陸離不可逼視一讀使人不覺起舞是已足不朽
 矣顧者仕古^者文教之盛以蒙求存經學庸為初學教
 科家法戶誦沿習成例然今古不相同於是外史一
 部不獨方今漢籍講究之階梯併可以通中古以來

國史之概要存子弟輩財可傳也一舉兩得便益決不少小
其重盛行於世良有以夫予曩著外史新釋又刻重
訂外史頃者坂府書估佃氏欲治河越版行也囑以校
焉之任予諾之數自卒業鄙意素期為賴氏之忠臣
羽翼且聊為後生而謀耳因憶予始讀斯書時甫八
九歲寒夜別燈每侍先人聽其講說自發憤誓修有
用之學也日必為史中人物今竄跡村舍索居獨處
依然手陳篇石玩校魯魚作蠅頭字更闌燈地之時
追思舊日恍如夢寐感知音之難遇漸學殖之益落
半生碌碌負我夙志不禁淚為泫泫墜也

須田先生碑代佐藤進

君諱經哲信濃伊那郡伊那部人經德君之第三子
母木下氏幼名安吉稱春嶺養霞老嶺皆其別號也
家世業醫君幼而慧敏好讀書既長遊甲江戶受蘭
學於林洞海後師事佐藤泰然堅苦自勵夜隱几而
睡覺則復誦書不問寒暑以是獲癰疾永為痼癖既
而業成歸鄉乞治者日衆闔藩仰為蘭方鼻祖時海
內多故攘夷之論駭然君極力唱閑國又勞米用泰
西技術始行種痘藩主以藤侯嘉之因命復遊江戶
造詣益深文久元年解褐於峰須賀侯無幾辭去尋

任本藩明治三年任大學中助教累歷數職後患眼
而罷自是專事頤養設別墅于相州優遊自適明治
四十一年九月病歿享年八十又四葬東京染井
墓域君為人溫厚慈仁該掖後進成業者不少其好
學甚於食色凡一切學科關於醫者靡不完極最長
於外科又多出新方至老視聽不衰勤力猶少年晚
喜禪餘閒畫墨竹及病革精爽不亂命侍者誦經聽
之從容易贊云先配內田氏生一女次配喜多氏初
養姪細井哲造以女配焉先歿無子更養妻姪內田
卓爾為嗣箕裘相繼不墜先業頃者親為相議將建

碑于高遠公園以圖不朽徵文於余余素不敏然君
嘗從余祖而學累世之誼不可辭乃揭以銘曰
扁盧接武折臂苦辛通博多識妙技入神春風滿
座和氣可親活人無數孰如其仁

春濤詩鈔引 代森川錄

岳丈春濤先生詩鈔計二十卷其首四卷自三十六
灣集至緜雨殘梅集既經先生手定題為甲籤生於
梓行久行於世而未及其他今嗣槐南先生有續鈔
之志亦未果而逝矣於是親舊屬余卒其業余既有
瓜葛之親義不可辭乃就遺稿而集錄嗣成十六卷
每集小名皆存之自林下柴門集至老春癡後集是
也前四卷一依其舊編無所更變又時遺篋偶得依
田百川所撰序一篇乃採而冕之合訂付諸手民云
顧余學淺才疎謬忝大任故蚋負山欣悚兼至先生

之詩譬如波斯之市百寶眩目固無容取舍唯屬稿
未定者姑闕之耳覽者諒焉

題鮮齋水濯元寇畫本後 代宮川大壽

新畫係明治某年水濯畫伯為文部省囑之作有故
藏於其家傳令嗣永興君紙幅不盈三寸而布置得
宜用意謹細筆力遒健艘艦數隻甲士數千皆欲生
動兩軍酣戰之狀最盪滌觀者心目蓋畫伯擅場絕
技決非他人可企及歎識有無何足論乎予一見無
不慕延懇請獲之今也裝幀新成乃記其緣由併得永興
君副署以傳後昆云

柳町先生頌德碑

教道之結人心其效彰著百世無異而惟難其師者
耳方今奎運隆興庠序之盛冠絕曠古然身當育英
之任不由外慕徒其業者蓋幾希矣如柳町君絕無
而僅有者非歟君名虎次本郡柴崎村人明治十二
年入縣立師範學校卒業其業就任於須賀津小學校
校後合於阿波小學校乃為其訓導三十一年兼校
長尋又兼村立實業補習學校校長君風貌樸茂性謹
厚醞藉就之藹然可親而治已端慤不自欺平生無
他嗜好當職勸精不倦既歷三十餘年依然督一校

以故有祖孫三世受業者。村民慕之如父母。俗化之厚。延及闔郡。於是縣下教育諸會。爭推君承其指畫。隱然有山斗之望。四十年。縣官旌賞其功。賜金。郡長隴川君亦贈以銀盃一個。君有二男。長精。一次熙。俱奉職於本郡。任小學校訓導。精一兼校長。可謂其表有勳也。君今茲五十有二。精力不衰。志益篤。行益正。汲汲以薰陶子弟為己任。嗚呼。非神識超邁。絕意世榮者。安能如是耶。頃者門生輩相謀。欲頌其德。以傳不朽。屬文於予。予亦躋其人。故不敢辭。乃系以銘曰。仰其功績。波山崔嵬。觀其德澤。霞浦滄洄。常陽之

土產斯偉。材誨人。忘免優哉。游哉。名聞遐邇。身臥蒿萊。願天假壽。頽俗永迴。

平松先生頌德碑

大丈夫生當縱橫一世死當廟食百代不然棲遲山
林嘯傲風月而已其高風清節使貪士廉懦夫立者
亦不自爲名教中之人也如我曦堂平松先生乃爾
歟先生本姓松平氏諱宜道通稱帶刀號桐所世爲
幕府麾下士爲諱宜乘敘從五位下近江守先生幼
孤奇穎過人稍長學劍於小谷某又入昌平學刻苦
修學弱冠擢補大番頭令名漸著維新後世態一變
先生乃有所感辭仕更令姓名縱遊四方到處說道
不倦後歛跡於房州東葉岡居十餘年遠近慕之乞

教者填門德化日彰先生性簡澹琴書之外無嗜好
最善書龍蛇飛動獲者以比趙璧云先生今茲六十
躋六氣力不衰志操益堅屬者門生輩相謀建生碑
欲傳其德于無窮就予索辭予亦欽其人乃揭以銘
曰
名門之裔出斯偉人溫乎其貌凜乎其神文武才
德豈翅潤身薰陶有效延及齊民豐碑茲峙輝映
千春浩氣磅礴山水俱新

詩命樓集序

試觀於當今所謂詩人者經史毫不研習唯善綺言
麗語雕蟲小技曲盡奇巧而已其平生伺候於權要
之門以之為獻笑容媚之具性無所怪王公大人乃
優倡視之而顧慮毀譽之甚儕輩陰相猜陷如宮妾
然其猥瑣卑屑不啻若衣架飯囊酒桶肉袋之徒也
嗚呼雅道蕩然掃地良有以夫予素嗜詩而不願以
詩人稱其於所謂詩人者率皆峻拒不交何者雖才
華可觀而其人與學固不值半文錢也往年與上村
賣劍宮崎東城二子相見而驩亦是能詩而不肯自

稱詩人者。於是來往無虛日。相與磨礱。切劘得益者不少。其往往聯襪出游也。妓堂說劍。黃壚買醉。逸興遄飛。豪氣勃發。或品隲風月。或感憤今古。笑詐怒罵。無所忌憚。放歌高吟而止。如此者。凡六七年。既而二子辭京。予亦飲跡村舍。離群索居。風流一朝雲散。花晨月夕。未嘗不悵然于懷也。獨賣劍不忘其舊時。以文字見寄。示纔得慰雪樹之思耳。賣劍陸中盛。困人少受業。鯢山山崎翁門。翁喜學詩。梁川星巖與小野湖山大沼枕山有梁門三山之目。其所作藁豈帝過不孑山一絕。東奧之地。兒童走卒。于今傳誦之。其

得性情之正。可以概見。而賣劍所師承。亦可知也。賣劍之詩。不屑區區。宗一秀。唯言其所欲言。詞簡意該。疎宕峭厲。極沈鬱激昂之致。槐南森氏稱之為與近。清張問陶黃景仁等爭勝。毫釐間者。蓋其人亦有酷相似。歎賣劍風神清疎。如魏晉間人。而偃傲拔俗之概。竟不可羈以勢利。居恆留意時務。識見卓犖。議論哀哀可聽。蓋奇士也。然其於世路。齟齬數奇。為命。曩在京。結交名士。濟世自任。而事與志乖。資斧幾蕩盡。乃載筆遠游。清韓二國。或登長城之墟。或踞北漢之巔。浩嘯以宣其漚鬱。錦囊益富。既而歸其鄉。創刊新

紙昌言讒議公私多所釐革縣民咸倚賴焉居數年
有忌之者假事端而羅織寺禍存臻至是賣劍齋然
自快乃寄身山寺經業繩牀嚴持戒律殆如與世相
忘者頃入京突如來訪探懷出其詩稿似予曰半生
嘔心終不免為罪障而所以不忍遽覆醬甑者為係
槐南先輩所親評定耳今災之梨棗表懺悔之意誓
爾後不弄浮華之詞嗚呼賣劍今日之為境可悲可
傷予復何言但以之愈信其與所謂詩人者大有徑
庭也賣劍長予九歲明年方五十昔人有知四十九
年之非者賣劍其亦庶幾乎且夫天機已發若能長

齋清修絕無遺行一死生解外膠期必傳於文字外
又安能測其他日所至耶予且刮目深之因憶賣劍
先西游而刻其詩來城書其後許以氣節之士今予
序此集所囑望如此均是朋友規戒之意也爾來城
去京後一游遼左亦不得志而東歸聞近在鎮西嘯
傲煙霞高臥不出懷今日尊酒鼎坐細論予之此文
也

森山翁墓碣銘

翁名芳平上毛桐生人父曰芳右初居下野中侯以
桐生夙名於織工學家移住生翁於其地芳右精織
術多所創意薄琥珀者尤著歐人亦嘆美其精巧云
翁以冢嗣習家業有出藍之稱嘗慨本邦染法未備
誓欲革之明治五年就譯書講究舍密術極其蘊奧
遂得出染采新法尋購法國機器日夜試驗頗有所
得乃折衷製一器以行于世二十年得法人着身德
所創機器參之本邦織法試製紋織採舍自在其質
純良聲價忽騰於海外二十一年募命織宮城裝飾

信州表木修堤記念碑

本區在天龍川右岸古來洪流爲患堤塘崩壞廬舍
漂沒田畝變爲沙鹵者數次居民不安其堵明治初
其慘殆極於是仰官費募民貲屢加修補而其法未
備止彌縫一時耳二十三年始設組合起大工事夙
夜經營既閱二十餘歲堤長數百間今免其災者熟
田凡七十餘町適際國家大典乃建一碑以彰區
民之勤勞且祝其竣工云銘曰
克勤克勞積以歲計既固既安後人賴惠

草菴池田先生贈位報告祭告辭代差宮正音
維大正五年丙辰四月某日謹告于先師草菴池田
先生之靈嗚呼先生以超邁之識修精一之道不敢
求聞達於當世孜孜以育英為任其教子弟不嘗煩
論絮說而躬行實踐以垂模範不啻及門之徒勉學
成業遠通士庶望風歸嚮德化所敷詢廣且大矣先
生歿後三十餘年于茲流風餘韻更加彰著其青谿
書院儼然不廢以保以存良有以夫 國家肇登極
大典旌賞前賢先生亦追贈從四位弟子輩曷勝欣
抃先生之靈亦當感泣也 顧方今風俗日頹民心月

變當佩服訓謨，焦心竭慮，誓以忠孝為標識。繼述書院遺旨，此弟子輩之所以體。聖意而報師恩之道也。乃陳蕪辭而布微衷，庶幾先生之靈有鑒焉。門生某稽首百拜。

丹羽君墓碣銘

君諱房忠，通稱與三郎，故尾州藩士平尾正當次子。同藩丹羽忠行養為嗣，配其女，世祿二百五十石。自近侍累進，先年物頭增五十石。元治甲子，征長兵出。扈藩主為大先鋒，戊辰之役，又從王師，掌糧運，嘗論事與當路不合，屏居久之。明治六年，始任井伊谷權官司，尋進官司奉仕，鎌倉氣多寒川鶴岡諸祠敘正五位，勲六等。大正五年五月，謁桃山陵而歸，適獲病。其九日終，歿年七十又七，葬青山墓域。君天資端莊，剛直儉素，自奉尤厚，於敬神報國之念，其在職也，拓

開社域整理神寶規畫可觀又兼諸公職數蒙旌賞
 孺人名初子性貞淑壽七男四女長曰敬忠現為海
 軍少將次曰鋤彥以工學博士任大藏省技師其餘
 咸顯明治四十一年奉金婚式後四年孺人先歿君
 悲悼弗措又四年遂逝銘曰
 厥德厥業遐邇爭傳天祚忠存瓜瓞綿綿
 家門增大真非偶然遺教儼在子孫勉旃

太田君墓碣銘

君名喜代次郎京都人三條氏世臣源二次子幼穎
 達進入大學修造船學科明治三十一年卒業始任
 船舶司檢官補累遷海事官遞信局技師船舶檢查
 主任官又歷任浦賀絲崎神戶海務署長大正二年
 擢為西部遞信局海事部神戶出張所長敘正五位
 勲五等君在官凡十又七年官制更革雖官名地位
 隨時不同專以檢查船舶監督造船為職蘊蓄既深
 經驗日富嘗奉命航英國也見聞倍博儕輩咸推服
 焉其當職精勵不倦為績併舉三年六月辭官入帝

甲午年為
 神戶遞信
 管理局長
 事部長

國海事協會為常務理事我邦未有船級之制諸般
施設遜歐米者多君夙慨之退處閒地規畫甚力居
一年獲病四年八月二十一日卒于家年四十又四
葬青山墓域娶吉益氏名春枝終無子君性易直謙
虛不以才能矜人而其中廉介截然有守謀事周密
無些遺漏今也船級之制將就其緒而君既亡悲夫
銘曰

其學宏博	其性溫醇	海運之業	功績猶新
佳城鬱鬱	茲勒貞珉	奈何短命	嗚呼若人

新拓運動場碑代稻葉北溟

明雲寺百目鬼共屬船生村第五區地甚僻峰巒環
繞廬舍鮮少而居民醇朴勤儉為風無不家給人足
嘗以小學校庭狹隘深為憾焉頃有志者相謀釀出
數百金新購鄰近地千五百餘步拓為運動場其舉
洵偉彼競驕奢遺公益者聞之亦可以少愧矣村民
德之歎樹石傳于不朽就予求文予曩寓本區目睹
其事故不敢辭敘其梗概如此更請東京久保天隨
先生題額囑校長柿沼君書之庶幾學於此者日夕
觀之必有所興起矣

山手楠三墓志

代人

山手楠三泉州堺浦人年甫十有九事南都製墨鋪官
 武氏為人質實勤勉絕聲色不蓄私財一意盡于主
 家不勸其業愈盛主家德之欲為割產別創店不幸
 獲病終不起實大正四年二月二十二日也享年四
 十又一葬宮武氏墓域顧市俗澆薄主從義廢久矣
 如君舉世所罕見聞其訃者痛惜不措良有以夫

秋碧吟廬詩鈔自敘

予弱冠前後所作之詩塵腐滿楮翰句束字遯未能
工却幸其散佚耳在大學日專講習經史卒業後賣
文為活不復遑吟哦既而再作詩雕心鏤肝經營慘
澹翻然趨古把前人專集誦之無論唐宋元明清時
或溯至漢魏如是者數年稍覺有悟境大正癸丑齡
近強仕得長短數百首定為一卷詩集自此始其懷
古撫今感慨激昂一片血性亦聊有所期焉頃知友
兩三相謀為捐刻實不敢辭遂取稿付梓先成此冊
自今而後每三四年續刊庶幾終生無絕顧萬卷之

書既讀矣，萬里之道既行矣，而萬首之詩未成，其不如古人者，終是吾性之所不及也歟。

川上音次郎墓志

川上音次郎，博多人。父曰專藏，年甫弱冠，論時事如狂，數罹奇禍，人號曰自由童子。既而翻然有所悟，聚徒創新派劇，一時盛行，其名忽動三都矣。妻濱田氏，亦習于藝，相携游歐西，前後四回，每演日本劇，觀者喝采不措。佛露諸國皆贈以勳章，於是其名著于海外矣。後開戲場於東京，曰川上座，在大阪者曰帝國座，其技愈入神，隱然為梨園一耆宿。明治四十四年十一月十一日病歿，享年四十八。顧新派劇，因君創開洗鍊研靡體制，始備遂至與舊派旗鼓對壘，其

名益傳于不朽君可以瞑矣

與李幼安 楷年

幼安足下花後輕寒眠食何似頃森川竹磳傳李君
又白之訃而至有才無命其人真可傷也無題疊韻
拙和繼得一首欲次第追補必如原數至是擲筆而
止更依韻賦輓詩一章以誌餘痛唯足下鑒之

三十六歌仙畫卷記

代伊東晨亭樞密

三十六歌仙畫卷藤原信實所畫每人題其歌併記
 小傳者係京極良種筆世有聯璧之稱信實承久時
 人儼然七百年前物而設色不變完美如舊洵天下
 所罕見也此卷久在佐竹侯爵家十餘年珍藏世相
 戒不許出于園外將軍家齋嘗求一覽亦不奉命乃
 遣畫史住吉內記就其家而臨摹其本見存于德川
 氏明治中帝國博物館亦摹之云大正六年十一月
 佐竹侯舉其藏品售之中有此卷覽者贊嘆不措而
 難其巨價雖富貴輩亦袖手旁觀耳中村好古堂百

方周旋終不如意於是與其徒會贊以三十五萬餘
金獲之或欲做烏丸光廣欲仙之例割翠頰之獨好
古堂不忍於心欲以原價必託之有力者予深感其
誠意更就從藤棲霞男爵男爵乃物色其人此卷終
歸于山本氏矣嗚呼好古堂一尚估耳區區小利舍
而不顧端端焉至寶不得其處是懼山本氏亦不吝
鉅費一諾購之此卷遂全永為家寶信寶而有知九
原之下亦當感泣二氏高義也予既重好古堂請乃
記其由來贈山本氏云

遷堂碑

代竹中止戈雄

本尊觀世音菩薩像天長八年慈覺大師所手刻列
于甲斐國內札所第三創基已經千餘歲矣寬政二
年新建築宇於天目山頂遐邇歸依愈篤賽者日夕
不絕歲旱村民會于堂中祈願連日忽而雷轟電閃
白雨大至良苗皆有生意此予幼時所目睹靈驗彰
著若此頃堂宇朽廢日甚僧俗胥謀移之山腹大加
修繕其費凡八百金豫乞官成境內松樹鬻之獲四
百金餘出于民間喜捨其人名刻在碑陰大正七年
一月起工九月淨遷座開扉之式又修大護摩五日

以落之云

長春會記

代伊東晨真樞密

今茲戊午春予臥葺數旬幾瀕死諸賢屢來問之既
 而病起又相謀欲張一盞醮為予壽予謝曰一夕泉
 烟不若時時把臂長訂班荆傾蓋之歡諸賢領之六
 月初七飲于濱街彌生樓蓋彌生二字寓回春之意
 也楣間匾額畫一大櫻樹紅葩亂發宛有香風滿座
 之想諸賢大喜爾後每會于此又名會曰長春顧者
 徒遭遇壘代醉飽以抒雅懷何幸加之唯冀斯會長
 不廢絕耳詩曰坎坎鼓我躑躅舞我又曰厭厭夜飲
 不醉無歸古人亦然記以謳歌皇澤之無窮不亦可

乎

大屋祠神德碑

代人

凡事必有兆神或以此警動人心禎祥妖孽見前史
 者何限但人因之徒善勤業乃可以致福避禍也我
 御大屋祠創建既古鄉人崇信極篤營事設計以祠
 為先大正二年秋分日獻靈旗偶獲龜於鍵田渠中
 觀者異之先是伊東東鄉上村三將軍來實祠其歲
 伊東土方樺山三伯爵亦乘輒皆乞其書誼匾于社
 殿三年開和道三百二十七間四年開上道百十二
 間又建石華表併為大禮記念尋設基序財產以永
 充祭祀之賢至是關於本祠者稍全矣六年午西川

鐵道院接
此處待頭
全一千圓

護岸工事告竣行人得安便七年整理耕地廣
四十町改造堰堤千餘間開鑿溝渠百八十餘間
抵前年獲龜處略修濬澤道二百二十間至是開於
水利道路者略全矣此間機織製絲諸工場並起九
子鐵道亦成至是關於殖產運輸者已全矣顧此等
事業係父老夙昔心籌而未及下手者今也聞鄉協
力奏功氏庶月富戶口年殖神之眷我鄉殊深靈龜
之瑞果驗矣屬者鄉人相謀將建碑示乃併敘神之
德與人之功以銘作歌詞以頌之曰

愛德
成德
遠崇
潤澤
無疆
非私
延及
萬方

厚志會記念碑

外城八幡祠創建極古蓋不下六百歲神德較著遐
邇崇信寬永中領主溝口氏獻神田五反以充祭祀
修造之資焉祠臨瓢湖面五頭山塘上多種櫻樹湖
中芟荷鯨生四時風光可人每年九月十五日行大
祭賽者雷集其盛自古而然明治二十八年比子中
青年輩設厚志會其志在和輯協同以報神德故併
攝祭事獻煙火戲不廢舊例次乃造石華表石榜以
為記念費額凡千圓其五之一出於會費餘仰諸氏
子今茲七月竣工祠前為添壯觀且覺神德愈加云

屬者會員相謀欲立碑不朽之乞文於予予嘗游其地記其景喜湖山重綿風緣且留名于靈域也乃不敢辭遂以銘曰

橋影如虹 華表高龜 一境無塵 清人心目
祭祀勿怠 威靈勿瀆 神德昭明 錫爾百福

野澤歲齋碑

信之為州山谷相錯地險而勢阻近古群藩慕時文
放大行于今號稱易治就中我高遠藩提封僅三萬
而負^負笈者雲集自四方瘠民亦嚮學結誦三盛冠於
全信當時藩學之振固無論鄉先生之功尤可稱異
如野澤君其^{一也}君諱紹包幼稱祐吉後改善十郎
號歲齋生於上伊那郡北^{是實勉整手}出村^{伊那富村是}
也父曰源之丞君其第三子也甫五歲就外祖桑澤
正方學以究經文有年業成開塾乞教者頗多鄉黨
慕其德莫不興起于善弘化三年十月病歿享年五

其辭凡猶有
可考

十有三子茂善通稱爲十能守遺業明治六年國家
 大革學制邑里咸有小學乃開其塾蓋父子兩世亦
 鐸於一鄉六十餘年矣其^親業歲癘者概皆老死
 而村民稱其德不棄屬者族人相謀將樹石乞^文
 予嗚呼修業祗行^遊歟榮而化自非盛德君子
 焉能至此乎予既偉^是又有同鄉之誼故樂而敘之
 多以銘曰
 方正特立執心維誠訓以義方鄉俗茲更道躅儼
 在山水雙清可傳者德不朽者名

南山文庫記

昔者李公擇讀書於廬山僧舍後就其處爲山房藏
 書九千餘卷以供後人之用東坡爲記稱其不負仁
 者之心今世富豪往往有蒐集奇書珍籍者而骨董
 視之不復知書之用何在乎於是有感竹內氏南山
 文庫之設立也竹內氏出自藤原家咸保安中家成
 仕讚岐守子孫留居綾歌郡羽床邑蕃衍漸滋有長
 繼者初稱竹內氏至今二十五世七百餘年儼爲州
 右族天正以後世里正職達及維新際其功績傳在
 口碑村民思慕之不衰今主人曰長正卒業京都法

科大學督紡績公司于大阪而於鄉閭之事周旋甚
力嘗起羽床青年會衆咸倚重^焉後獲舅氏外山博士
遺書開手卷蠶動物者二百部併舊藏上三千餘部
仍區其處曰南山文庫以供眾庶閱覽亦是不負仁
者之心者歟聞其家在邑之堤間里地勢高爽北隔
縣道瞰綾川南負堤山山容似富嶽有羽床富士之
稱長正因自號南山又以此冠文庫云若夫立庫側
而馳望山川縹緲廡舍優然土地闢焉田野易焉其
俗富而不汰其民敏而好義則竹內氏累世訓化之
所致文庫之開亦決不徒爾也然予別有說今也通

邑大都皆有圖書館其所藏少亦不下數萬但讀書
之功不在多而在精故坡記有云昔日見書之難皆
明於禮樂深於道德而後世科舉之士皆束書不觀
游談無根此又何乎顧南山文庫之藏固不為多而
博士所遺舊家所傳皆有益於世用子弟耕耨之暇
披閱諷誦精熟不倦其有餘師必矣爲者長正請予
記之乃敘文庫所由來併告讀書種子云

書斷鵬集後

竹磬長身玉立宛如神仙中人加之天才超逸刻苦
力學早歲能詩術通詞曲蔚為近時一名家詞律大
成一書可以觀其用意之細與研覈之精矣僕等知
既久誼兼師友親侷兄弟詎圖耄耋未及知命一朝溘
此捐館舍痛恨之極殆不知所言矣稟後乃輯諸家
哀悼之作成此卷附以拙詩庶幾致生死不相負之
意之南

明治天皇駐蹕遺址碑陰記代玉置直矩

臣直矩以去歲小月承遊拜縣翌月巡視管内至松
本區裁判所其後庭有彭然而陸矮松叢茂者問之
下僚對曰是舊聽會議室址而先帝駐蹕先便殿之
處室既朽壞乃築此丘以志之謹按明治十三年六
月二十五日車駕臨幸所長柳藤祖一率廳員奉迎
於廳門外既下便殿賜謁判事等祖一率表謝恩上
氏事刑事勸解統計表天皇親臨法庭臨訟斷獄之狀
又心覽廳舍畢而還御所長等奉送如初嗚呼天恩
洪大誰不感泣況在仕能聽訟者宜夙夜戒慎執法

守正也。飲此地龍體所懋。玉趾所履。傳之於世。久使
 不湮沒。是臣等之責也。乃請之上司。謀之於本市。氏
 若得其贊同。市長小里。賴永周旋。甚力。市民某某等
 贊助之。於是樹石於廳前庭。謹敘其由。庶幾奉職於
 此。願者百世之下。晨夕拜之。以知天皇帝白。飲瞻式
 情之深云爾。

德洋丸殉難船員碑

代淺野總一郎

大正十年五月二日。東洋汽船株式會社德洋丸航
 米國歐勒昆州近海也。誤失火。遂覆沒焉。船員中克
 盡其職。不幸殞命者。凡八人。嗚呼。重溟萬里。爰起忽
 卒。粉骨碎身。斃而後已。洵不負為神州男兒矣。願諸
 子遠離故國。一朝身葬魚腹。鯨波濤魂。魄無依其
 憾。果如何也。茲卜地于鶴見總持寺域內。樹石吊之。
 靈其姓名。具于左。

- | | | | | |
|--------|-------|---|-----|-------|
| 甲板部修業生 | 鈴木 | 肇 | 水夫長 | 大橋多西郎 |
| 甲板部倉庫番 | 岸本豐三郎 | | 舵 | 大脇鷲雄 |

油	差	今野惣太郎
石炭夫	佐々木淺次郎	
水	夫	梶原榮太郎
石炭夫	渡邊千代登	

讚州游草小序

今茲八月予游讚州淹留琴平阪出較久梓白峰陵
 弔鼓岡墟西至觀音寺歸途自六甲山歷芳野費日
 凡二旬獲詩五十餘首矢口信筆粗率殊甚唯以誌
 鴻爪耳屬者讚人原雁泉植口節堂諸君欲刊之資
 他日追憶來致懇請予不敢辭略加刪補題曰讚州
 游草率以付之

關西游草小序

小游三十日獲詩九十首題曰關西游草耳自所觸
漫然成詠動輒流于率易才情已鈍洗鍊未足深自
愧焉但此行到處知友倒屣文酒微遜頗覺快適如
韞澆桑田氏始修縞紵者今為予捐資刊此集亦可
以見情誼之厚也

田口君遺德碑

秋田之為縣僻在東北而屬者聲教所覃人材輩出
 治化之美楮泉羽第一論者皆云秋田之盛在仙北
 郡妙此之盛在大曲町其使大曲能重於國縣者田
 口君善導之力尤倍多焉君名壽藏郡之刈物野村
 人本姓今野氏年十八為大曲田口總右衛門副配
 其女明治四年為假副長十二年為戶長兼學校取
 締當時百度更新民心猶未定君在職九年誘掖懇
 至會有地租改正町村併合之事周旋甚力其協定
 地價也善通民意時抗議于上司以豫防苛征之弊

繼而大曲治安裁判所之創設亦由君積累後官數
公廢之君每陳情于商路遂停其議其他如監獄創
却便修築官衙校舍等莫非君所主張為之捐貲不
可勝數十三年罷職後遂為村會議員即會議員所
得稅調查委員者各數次又初仙北改設社資會合
本會社大曲銀行米穀取引所等或為社長或膺要
職成績皆可觀每謂本縣文化未甚進者職由文便
石便乃首唱直鐵道於盛岡遂得啟設生保內線其
間夙夜奔走殆忘寢食知君者以此為遲暮乘病之
因云又修道路築橋架開南北新街於大曲而日干

生所最致意者在教育與殖產子弟輩得贊成業者
不遑枚舉其整理耕地開墾林野多產良穀共為
縣下模範凡此等事業得其一足以於世而君為之
可謂偉矣君嘗以此則殷思慮周密初承家也勤苦務
業儉自奉其計斷策事義父母孝養備至又皇祖
諾焉於故舊家各裕行益謹推餘濟急最勇於義成
辰之役躬田疇立於軍中官軍間急未履落將島
津新八郎有號名而誤被擄也冒賊不屈遂死於大
窪館其地係君所有君深慕其節義私殮運骸樹石
標之每值忌辰必備供養法事兩儀之典于公于私

所補益極多君之書力于公益四十餘年受旌賞
 不名其或同一鄉仰之如師父或勸為孝廉院議員
 候補矣而不應蓋謂君才尤長純備用諸天下尚俾
 然有餘裕而終生不離其鄉守分躬身儉有操持彼
 夷皮羊領得履名而沾沾自喜者聞君風亦可少
 愧矣甲四十二年十月七日病歿距生天係七年十月
 十日享年七十又四葬于本塋寺先塋三坎男九平
 即失三女獨存其一養義父細方衛嗣子米汝承祀
 君歿後十三年生保內鐵步成親篤相謀建石祀
 大曲驛前以顯彰遺德予與其性人為橋午山善年

山景樞君墓志因身狀求屬文於予予既敬君為人
 乃揭其平生大略彙之以銘曰
 卯山之陽生此偉人外溫內明樸而能淳
 缺掌心職四十餘春經世是務夙志以伸
 不求聞達勲績逾新故富賤去孰如其仁
 遐邇推服德澤不泯刻以斯銘貞石峙岫
 陰
 卯山之陽 樸而能淳
 外溫內明 靈秀所鍾
 始于修身 生此偉人

書題名卷後

月山博士逝後將二歲知友相謀先刊遺稿而成因
 設法進於傳通院告諸博士之靈是日會者二百餘
 人自署姓名于此卷諸人以予與博士交誼不淺有為乃囑記
 其由嗚呼芝浦風月俯仰如舊伊人則亡詩徵酒逐
 其可再之手撰筆點然者久之時大正十一年午戌
 六月也

清繁塔銘

柳

之

陽

河野君之別墅在常南而臨北浦北浦者霞浦之支
 南迴岸曲渚浦漱灣環波光曳練汀樹如薺點綴映
 帶之妙宛然一幅平遠圖也遠則富士筑波之山近
 則鹿島香取之祠歷歷可指點矣有一高阜眺望甚
 豁頂者君樹鐵塔於其頂題曰清繁蓋合考妣之偏
 諱者其意欲指在天之靈於此使享煙霞之樂云古
 之所謂大孝終身慕父母者君其庶幾乎君兼選為
 眾議院議員聲譽遠聞而餘暇盡力於教育殖產收
 牧不倦常曰其行苟清白則家道存繁榮操守之高

其素白

固超絕一世其名于塔或併取斯義歟銘曰
 考期行清 此願業繁 歸 體諸兒身 報周極恩
 經帶幾年 茲大家門 游息有處 乃賦招魂
 惟此二字 勝千萬言 是為庭訓 用告後昆

阿繁觀音堂碑銘

河躬君蒙夢之佛相貌酷似阿繁太孺人曰昔因生
 前功德身後化為觀世音誓任世間女人輩總免虎
 毒之苦矣適夫人有身至期而晚母子共健爾後祈
 之者有驗乃建堂安置其像又欲樹石以記其事未
 名即文夫觀世音之妙智神通善門品述之既詳其
 與人界相感應也佛或他人或為佛法外之法理
 外之理寄機託緣具象即靈乃如爾夢中之言固不
 誣也乃為敘其梗概且系以銘云
 功德已多 善根已深 身後取果 歷歷可尋

相貌端正。
十方國土。

南無觀音。
眾生仰欽。

救女人苦。
福聚無量。

牛蓋悲心。
頂禮不禁。

長沼村從軍紀功碑

明治甲午役後十年露國驕暴南下入滿洲東洋平
和與清韓保全哉將破壞。天皇震怒乃興六師擊
而攘之是為甲辰之役露國跳梁歐亞既久素稱無
敵而我獨力克之使彼窮蹙氣和身收韓國主權列
國驚嘆不措於是。我始入世界強國之伍矣。大正三
年獨帝抱藏禍心遂欲併吞各全歐舉兵急入白佛之
境列國震駭拒之。我不以英國締盟之故下宣戰之
詔徑衝青島拔之。使彼失其根據。由是東洋無虞獨
國以出潛航艇于四方阻害海運。出沒無常列國船

艦為其所擊沈者不知數百隻我乃遠遣戰艦于地
 中海以掃蕩之繼而露國有革命之變餘波及西伯
 利亞其氏分黨相鬪外人罹禍者不少我亦出兵備
 之仗義討暴勸正德邪九年始罷於是我遂班世界
 強國之首矣顧甲辰役後凡經三戰國是愈定國礎
 愈固其功績前古無比是雖職由 明治 大正二
 世之聖德征軍士卒之勤苦亦何可沒乎下野芳明
 郡長濱村自古稱富饒之地氏俗尤勇于義其參甲
 辰之役者九十四人而戰亡病死者九人征征青島
 地中海西伯利亞者四十四人而無死亡者頃日御

人欲準前役之例建紀功碑擇地于八幡社域內碑
 陰刻其姓名且乞予文予因記其概略系之以銘銘
 曰

敵王所憾	志氣軒昂	海戰鯨鯢	陸殫豺狼
連戰連勝	我武維揚	萬邦瞻仰	出日之光
此自窮髮	南及炎荒	版圖茲闢	皇猷逾昌
六師奏凱	錦衣歸鄉	飲至策勳	策名孔彰
生者何幸	死者可傷	生死共宜	百世之芳

台水府君行狀 代田井鐵

府君諱義道字醉伯幼名八治後改治號台水笑古
樓一寸癩愛竹幽人等皆其別號也以天保八年十
月二十二日生於伊賀上野源姓系出於新田左甲
將義負義負有數子義宗嗣其子負政初稱町井氏
居伊賀本興城五世至貞之有三子季貞直仕于藤
堂侯常殿術食祿若干石又七世至貞順養福喜多
氏之子貞治妻以長女有三男一女長即府君也府
君幼時夙道頗憂備嘗艱苦幼長專修殿術偶得紅
毛火技譯書讀之不能解於是始發憤入中內樸堂

門講習經史。日夜電勉。掌火進壽。以礮術教師。兼擢
兵隊長。文久三年九月。天誅黨擁中山。侍從據大和
十津川。藩主奉朝命。遣府君將兵討之。賊潰去。以功
別賜十五口俸。慶應四年正月。守山崎。會集兵將。犯
關。府君措置得宜。不及累于藩主。曰。自仁善請奉行。
兼監禁。八月。任軍監。率兵征奥羽。轉戰柘杖田。明治
二年九月。凱旋。賜金及賞典。祿四十石。擢為藩參事。
五年。廢藩置縣。任三重縣十二等出仕。累進權中將。
從聽訟事。九年。以父病辭職。下帷上野。所生齋集前
後。至數千人。十九年。再起。長于荅志。美虞。即移于名

張伊賀郡二十三年七月。患腦溢血。頻乞。孫仕明年
六月。始見。聽復授徒。暇則著書。作文。絕不與世事。三
十九年一月。患咽喉癰。二月十日。終不起。享年七十
府君狀貌奇偉。年十七。罹痘。後症四十。鬚髮盡白。壯
時。手製拋彈。誤發火。遂眇一目。其痕與痘痕相錯。滿
面。初見者畏之。然襟懷灑落。接人不設城府。直吐肝
膈。以故久而見親。初不好酒。自為隊長。習飲。尤嗜薩
摩泡盛。藉飲。或連二晝夜。絕無醉容。常慨士道日壞。
以氣節自持。會藩主詢。薨公。諱藩學子。為以勵士節。
議府君甫弱冠。極口。當巨室。無能詰。廢為庶人。因大

甄別人材，滔滔數千言，闡揚震駭，巨室多銜之者。瘠
藤拙堂一讀，奇之，謂公曰：之子狂簡，其言慢而無禮，
然寬假之，則言路愈開，士氣亦振。美公笑而弗問。藤
堂氏素為幕府親藩，維新之際，藩士袒左，右縉皆
不定。府君極力說國體，唱大義，議乃決云：性義俠，好
赴人急，藩士既還，疏往往不免飢寒。府君乃詳十駕
社，請官開拓荒蕪，使之謀生，眾咸德之。其崇朱陸三
外，別成一家。嘗欲著台水子布諸世，以救濟末俗。澆
薄，王歎曰：拙矣！其講書不拘訓詁，務闡明大旨。又講
歐人彌兒氏自由說，是以門生亦擺脫固陋，多有通

才，伊頃之為國，在僻遠，其俗攬什者，殊甚。府君獨
情之，屢有所為，謀以故歸，休下帷，其子弟多從學。仰
慕如父。府君神識超邁，於余密生理之學，亦造詣不
淺。其忠胞溢血也，著病中日誌，有醫生一覽，歎其
精云：初讀漢史，時有疑義，及獲崔東璧遺書，大服其
說。仍獲一書，專辨三代以上記事，証妄多所發明。又
慮文章遺愛，著書往往記以口誥，條理井然，流暢明
也。時雜以諧謔，使讀者不倦。初，厚以打氏有故，大歸
。進配園田氏，皆無子。君中原氏之子，新太郎，嗣家。暇
農，鐵小島傳助弟三子，幼在府君塾，學撫備至。遂

為子別起家嗚呼鐵之不肖何足冒府君之姓而所以能無大過以得與士大夫者亦嘗不由其訓也鐵已壯年在東京相去百里不能朝夕定省今而思之悔恨無及矣所著猶賢社文鈔分體文或各一卷欽刊行世外史論一卷南討紀略一卷左氏文法抄釋若干卷三行小鑑三卷十史略辨妄一名經實說寬錄十六卷能讀東州一卷支那古史講述一卷薄皮繭紅油若干卷漢學讀序二卷九勿遺言一卷讀左雅語抄錄一卷諸詞用例三卷消夏日記一卷老道心錄一卷其他未定稿者若干卷泣藏於家

磴域游草小序

壬戌之秋予游朝鮮觀漢城登金剛山由松都抵柳京遂回轅弔扶餘雞林之墟往返凡三旬獲詩百十餘首題曰磴域游草以推敲未至不肯示人屬者朝鮮總督府介人徵予稿將用銅製古活字印行之予為快諾因眩遂次之刪補方畢三韓樂府二十闕庚申初夏所作詠史覽古互相關涉是賢考微乃載卷末付諸其人云

續開西游草小序

茲游未滿一月而所歷數百里途多勝境境存古蹟
續開西游草之作不豈徒爾哉先是一年予有韓山
之行其詩題曰槿域游草友人伊東君事水將捐貲
以刻會朝鮮總督府亦欲刊之於其地懇請數次因
事稿付之書水乃為刻此集顧曩者詩鈔乞藏之成
其貲資任事水所辦而今復有此舉不獨於斯文者
信好其厚于友誼蓋當世所罕見仍并卷首以誌弗
後之意云爾

說南山房記

予之游芳山每館於大村氏與主人半醉相知尤深今茲發矣初秋將登天峰
四造其地半醉迎予款待備至因請曰頃命山房白說南願先生記之予問南
者何也答曰南有兩義其一縣也芳野之為郡僻在奈良縣南聯接紀勢三州
方數十里山谷深阻草木叢茂未耨之所利未及其十一居氏鮮少而其俗
淳朴喜赴義是故神武之取道于此大塔皇子之舉兵于此後醍醐帝之駐蹕
于此咸賴民心所歸嚮且利其險要也雖然幽遠之小民食糞為活動輒流入
國隘文化獨後于他方余慨之久矣是以拓開荒蕪振興產業夙夜竭力焉予
聞其二何如曰南朝也延元南狩之後據彈丸黑子之地而闡四朝五十餘年
之久其復京師前後數次一旦講和入京則依還幸之儀傳神器則用父子之

禮詢可謂克有終者也。此間學一門之肝腦而竭諸國家之難者不獨種氏播
紳皆操兵刃行伍塞塞匪躬。夕圖興復私謂後昆百世以南朝君臣之心為
其心國家無復危存之虞。余思之久矣。是以顯彰遺誨宣揚流風平生致心焉
不聞而嘆曰善夫其前之言者養民也其後之言者教民也兩者並行如無間
也。君君臣臣為野合。議員協贊。縣治加之明辯快辭。稱淑場之雄。野氏咸推服
焉。其進亦眾。議院矣。與國政亦可期而待。養民者。野氏有驗矣。家業遂。旅者。松山陽
西。夜觀花亦未。宿。蓋。告。于。此。數。十。世。僅。是。當。日。偏。裨。之。裔。歟。其。有。同。因。於。南。朝
亦不候言。教民固有善矣。半醉大喜。領之不既。登大峰。依衣於。何之上。縱觀
山谷高下之狀。而還。留宿。又一日。酒後。與。半。醉。剪。燈。盛。譚。南。朝。之。軼。事。益。知。其
不。若。斯。也。於是。次。其。言。而。為。此。記。書。以。贈。之。

